



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-139-6/26**

Datum: **18.06.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica Rudnik mrkog uglja «Kakanj» d.o.o. Kakanj, za donošenje rješenja o vodnoj dozvoli za ispuštanje tehnoloških i oborinskih onečišćenih otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja radova na lokalitetu Pogona «Vrtlište», općina Kakanj, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, Rudnik mrkog uglja «Kakanj» d.o.o. Kakanj daje se vodna dozvola za ispuštanje tehnoloških i oborinskih onečišćenih otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja radova na lokalitetu Pogona «Vrtlište» općina Kakanj.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode za tehnološke potrebe za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, u skladu sa članom 139. stav (2) tačka 1. Zakona o vodama ili općina/grad ukoliko je kantonalnim propisom prenesena nadležnost na općinu/grad, shodno stavu (3) istog člana Zakona.
3. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji predmetnog pogona i uz sljedeće uslove:
 - 3.1. Da se upotreba i korištenje objekata na lokalitetu Pogona «Vrtlište» izgrađenih u sklopu kompleksa Rudnika mrkog uglja «Kakanj» d.o.o. Kakanj vrši u skladu sa njihovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se, za vrijeme trajanja ove dozvole, obezbjeđuje da se tehnološke otpadne vode nastale pranjem vozila i mehanizacije i oborinske onečišćene vode sa prostora istakališta interne benzinske pumpe, saobraćajnih, radnih i manipulativnih površina nesmetano sakupljaju i odvođe do objekata predviđenih za tretman onečišćenih voda (taložnici i separator ulja i masti), a zatim ovako tretirane vode, zajedno sa prečišćenim sanitarno fekalnim vodama, ispuštaju preko okna za monitoring u rijeku Bosnu.
 - 3.3. Prečišćene otpadne vode prije ispuštanja u recipijent moraju ostati u granicama maksimalno dopuštenih vrijednosti, definisanim u Prilogu 18. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 3.4. U skladu sa propisima iz oblasti zaštite okoliša vršiti bezbjedno skladištenje i postupanje sa čvrstim opasnim i neopasnim otpadom nastalim na predmetnom lokalitetu (adekvatnim mjerama onemogućiti bilo kakvo istjecanje i rasipanje otpadnih materija u tlo i vode).
 - 3.5. Objekte koji se koriste u svrhu prikupljanja, odvodnje i tretmana tehnoloških i onečišćenih oborinskih voda nastalih na lokalitetu predmetnog pogona (kanalizaciona mreža, slivničke rešetke, taložnici, separator masti i ulja...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
Čišćenje i održavanje separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o praznjenju i odvozu taloga iz separatora ulja i masti kao i o preuzimanju ostalog otpada.
 - 3.6. Talog iz taložnika, separatora ulja i masti i otpad nastao u postupku prerade uglja, se ne smiju ni privremeno odlagati na česticu «vodno dobro» odnosno u vodotoke i na njihove obale.

- 3.7. Da se redovno vrši skupljanje čvrstog opasnog i neopasnog otpada sa kompletnog kruga pogona, te da se isti propisno skladišti do njegovog konačnog zbrinjavanja od strane ovlaštene organizacije.
- 3.8. Da se obezbijedi siguran način skladištenja ulja, maziva i eksploziva u natkrivenoj namjenski izgrađenoj prostoriji sa podnom pločom izvedenom od vodonepropusnog betona otpornog na dejstva hemikalija.
- 3.9. Vlasnik, odnosno korisnik predmetnog pogona je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.10. Vlasnik, odnosno korisnik pogona je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik pogona je obavezan, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), na osnovu utvrđenog stepena zagađenja ispuštenih otpadnih voda izraženog preko broja EBS-a (ispitivanje urađeno od strane ovlaštene laboratorije), za utvrđeni broj EBS-a prema rezultatima ispitivanja, plaćati posebnu vodnu naknadu za zaštitu voda.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog pogona obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku otkloniti uzroke štete, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog pogona obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Ukoliko radom predmetnog pogona dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. U ovoj upravnoj stvari plaćene su sve upravne pristojbe.
11. Ova vodna dozvola, shodno članu 117. stav (1) i članu 129. Zakona o vodama se daje s rokom važenja od 5 (pet) godina od dana pravosnažnosti ovog rješenja.
12. Prije isteka važenja ove dozvole Korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica Rudnik mrkog uglja «Kakanj» d.o.o. Kakanj, dana 06.04.2026. godine podnesen je ovoj Agenciji zahtjev za donošenje rješenja o vodnoj dozvoli za ispuštanje tehnoloških i oborinskih onečišćenih otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja radova na lokalitetu Pogona za eksploataciju mrkog uglja «Vrtlište», općina Kakanj.

Uz zahtjev nije dostavljena dokumentacija koja je propisana članom 12. stav (3) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) te je dopisom broj: UP-1/21-3-40-139-2/26 od 13.04.2026. godine zatraženo od podnosioca zahtjeva da istu dopuni, što je i urađeno u ostavljenom roku.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-26-000241 izdatog dana 22.01.2026. godine od strane Općinskog suda u Zenici,
- Ovjerena kopija Uvjerjenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-5731-2/20 izdatog dana 23.10.2020. godine od strane Uprave za indirektno-neizravno oporezivanje Banja Luka,
- Ovjerena kopija Potvrde o promjeni podataka za prezni identifikacioni broj izdate dana 29.03.2024. godine od strane Porezne uprave Federacije BiH – Kantonalni porezni ured Zenica,
- Kopija Izvještaja o rezultatima ispitivanja tereta zagađenja otpadnih voda RMU «Kakanj» d.o.o. Kakanj – PK «Vrtlište» izraženog preko EBS-a broj: 18/24, urađenog dana 19.07.2024. godine od strane «Inspekt - RGH» d.o.o. Sarajevo,
- Kopija Izvještaja o monitoringu kvaliteta i kvantiteta otpadnih voda Pogona «Vrtlište» d.o.o. Kakanj broj: 360/26, mart 2026. godine urađenog od strane «Inspekt-RGH» d.o.o. Sarajevo,
- Glavni projekat rekonstrukcije postrojenja za tretman otpadnih voda «PUTOX» na PK «Vrtlište» RMU «Kakanj» d.o.o. Kakanj urađen od strane «Zavoda za vodoprivredu» d.d. Sarajevo (broj: 0-08-057/14, august 2014. godine) – na uvid,
- Tehnički projekat – izvedeno stanje PK «Vrtlište» sa preglednom situacijom i ucrtanim objektima za snabdijevanje tehnološkom vodom uključujući riješeno pitanje odvodnje oborinskih voda i ostalih voda sa lokaliteta, mjesto ispusta otpadnih voda (prijemnik) urađen od strane JP Elektroprivreda BiH d.d. Sarajevo Zavisno društvo Rudnik mrkog uglja «Kakanj» d.o.o. Kakanj, januar 2010. godine - na uvid,
- Kopija Rješenja o vodnoj dozvoli broj: 05-25-1453/10 za zahvatanje vode iz rijeke Bosne za tehnološke potrebe izdatog dana 05.07.2010. godine od strane Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-053-6/21 izdatog dana 02.04.2021. godine od strane «Agencije za vodno područje rijeke Save» Sarajevo,
- Kopija Rješenja o vodnoj dozvoli broj: UPI-05-21-9197-3/25 za ispuštanje sanitarno fekalnih voda na PK «Vrtlište» izdatog dana 28.04.2026. godine od strane Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o odobrenju za upotrebu izvedenih radova na izgradnji pogonske zgrade i postrojenja «PUTOX» broj: 03-361-486/86 izdatog dana 21.01.1987. godine od strane Republičkog komiteta za urbanizam, stambene i komunalne poslove Sarajevo,
- Kopija Odgovora na upit broj: 05/2-19-5-618/22 dostavljenog dana 02.12.2022. godine od strane Federalnog ministarstva okoliša i turizma Sarajevo vezano za obnovu okolišne dozvole pogona: Haljinići, PK Vrtlište i Separacija (nije potrebno pribavljanje okolišne dozvole),
- Kopija Ugovora broj: 170-6/26 OS: 304/25 KZ: 21/25 o izvođenju radova na čišćenju separatora i odvozu otpadnog mulja i taloga zaključenog dana 15.05.2026. godine između Rudnik mrkog uglja «Kakanj» d.o.o. Kakanj i «DELTA PETROL» d.o.o. Kakanj (prilog: kopija radnog naloga o čišćenju separatora broj: 04/08/25 od 05.08.2025. godine),
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak pogona «Vrtlište» u Kakanju i tom prilikom je sačinjen Zapisnik o uviđaju broj: UP-1/21-3-40-139-5/26 od 04.06.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Za predmetni pogon «Vrtlište», ranije je od strane Agencije doneseno Rješenje o vodnoj dozvoli broj: UP-I/25-3-40-053-6/21 od 02.04.2021. godine. Prema izjavi predstavnika podnosioca zahtjeva, nije bilo promjena u načinu prikupljanja i tretmana tehnoloških i oborinskih onečišćenih voda nastalih u industrijskom krugu pogona, od vremena izvršenog uviđaja na terenu u postupku izdavanja prethodno izdate vodne dozvole.

U krugu pogona izgrađeni su sljedeći objekti: portirnica, upravna zgrada sa ambulantom, restoran za uposlene (nije u funkciji), garderobe i kupatila, objekti skladišta, kotlovnica, radionica za servisiranje mehanizacije, automatska praonica vozila, interna benzinska pumpa, saobraćajne i manipulativne površine. Skladištenje starog ulja i maziva za potrebe mehanizacije se vrši u posebnom natkrivenom objektu.

Snabdijevanje pitkom vodom za kompleks objekata riješeno je priključkom na gradski vodovodni sistem kojim upravlja JP «VODOKOM» d.o.o. Kakanj. Sanitarno fekalne vode iz sanitarnih čvorova i kupatila za uposlene se prikupljaju zasebnom kanalizacionom mrežom i odvođe na tretman u «PUTOX» postrojenje za što je od strane nadležnog Ministarstva za poljoprivredu, šumarstvo i vodoprivredu Zeničko-dobojskog kantona dana 28.04.2026. godine izdato Rješenje o vodnoj dozvoli broj: UPI-05-21-9197-3/25.

Od strane istog Ministarstva doneseno je Rješenje o vodnoj dozvoli broj: 05-25-1453/10 dana 05.07.2010. godine za zahvat vode iz rijeke Bosne za tehnološke potrebe pogona (zahvat u količini oko 7,5 l/s).

Tehnološke otpadne vode koje nastaju pranjem kamiona i mehanizacije na pralištu vozila sa instaliranim automatskim sistemom pranja prikupljaju se zasebnim kanalizacionim sistemom te preko tri izgrađena betonska taložnika odvođe na tretman u separator ulja i masti. U isti separator se odvođe onečišćene oborinske vode prikupljene sistemom slivnih rešetki i kanalizacione mreže sa prostora istakališta interne benzinske pumpe, radnih, saobraćajnih i manipulativnih površina. Nakon tretmana u separatoru ulja i masti, prečišćene vode se zajedno sa prečišćenim sanitarno fekalnim vodama, preko okna za monitoring, ispuštaju u rijeku Bosnu.

Čišćenje i pražnjenje separatora vrši se od strane pravnog lica «DELTA PETROL» d.o.o. Kakanj prema posebnom Ugovoru (priložen radni nalog o čišćenju od 04.08.2025. godine).

Monitoring otpadnih voda se radi redovno. Uz zahtjev je dostavljen Izvještaj o ispitivanju kvaliteta otpadnih voda za mart 2026. godinu urađen od strane «Inspekt RGH» d.o.o. Sarajevo. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u okoliš i sisteme javne kanalizacije.

Prema Izvještaju o rezultatima ispitivanja tereta zagađenja otpadnih voda izraženog preko EBS-a urađenom od strane «Inspekt RGH» d.o.o. Sarajevo u julu 2024. godine, utvrđen je ukupan teret zagađenja otpadnih voda izražen kao ekvivalentni broj stanovnika: EBS=274,9 ES-a (mjerno mjesto: neposredno prije ispusta u rijeku Bosnu).

Tačka 4. dispozitiva ovog rješenja propisana je u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog pogona na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) i tačka cc) Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatovano je da je podnosilac zahtjeva Rudnik mrkog uglja «Kakanj» d.o.o. Kakanj, ispunio minimum uslova za donošenje rješenja o vodnoj dozvoli za ispuštanje tehnoloških i oborinskih onečišćenih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja radova na lokalitetu Pogona «Vrtlište», općina Kakanj, te je riješeno kao u dispozitivu ovog rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog kompleksa objekata utvrđene su obaveze u tački 6. dispozitiva ovog rješenja.

Uplaćeni su i posebni troškovi prema Zaključku ove Agencije broj: UP-1/21-3-40-139-4/26 od 03.06.2026. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno, pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju
Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- RMU «KAKANJ» d.o.o. Kakanj
ul Alije Izetbegovića br 17, 72246 Kakanj
- ⊖ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava

